



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CCLII. Confirmatio Capituli Generalis Ordinis Cisterciensis Anno 1739.
celebrati.

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

§. 2. Ad eorundem exponentium supplicationem, ab eadem Congregatione Cardinalium emanavit decretum tenoris, qui sequitur videlicet: Sacra Congregatio Eorum, & Rectorum S. R. E. Cardinalium negotiis, & Consultationibus Episcoporum, & Regularium preposita, ad quam SSimus Dominus Noster supplicem libellum remisit, attentis relationibus Eminentissimi Firrao apud Sanctam Sedem Protectoris, ac Patris Procuratoris Generalis decrevit, ac declaravit -- Electionem Regentis Provincialis esse in his casibus faciendam a Vicario Generali una cum Definitoribus Provincialibus ad formam declarationis prefati Cardinalis Sauli. Romæ 23. Januarii 1739. -- J. Card. Firrao C. Archiepiscopus Damiatæ loco + Sigilli.

§. 3. Cum autem dicti Exponentes Nobis subinde exponi fecerant, ipsi Decretum huiusmodi, quo firmiter subsistat, Apostolicæ confirmationis Nostræ patrocinio communi summopere desiderant.

§. 4. Nos ipsos exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & Interdicti, aliisque Ecclesiasticis sententiis, censuris, & poenis a Jure vel ab homine quavis occasione, vel causa latis, si quibus quomodolibet innodate existunt, ad effectum presentium dumtaxat consequendum harum serie absolventes, & absolutas fore censentes, supplicationibus eorum nomine nobis super hoc humiliter porrectis inclinati, Decretum præinsertum, auctoritate Apostolica tenore presentium approbamus, & confirmamus, illique inviolabiliter Apostolicæ firmitatis robur adiciamus, salva tamen semper in præmissis auctoritate Congregationis memoratorum Cardinalium.

§. 5. Decernentes easdem præsentis literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, plenissime suffragari, sique in præmissis per quoscumque Judices Ordinarios, & Delegatos etiam causarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 6. Non obstantibus Constitutionibus, & ordinationibus Apostolicis, ac Ordinibus, & Congregationibus huiusmodi etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene, & sufficienter expressis, ac de verbo ad verbum insertis habentes; illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die 2. Martii 1739. Pontificatus nostri Anno nono.

Dat. die 2. Martii 1739. An. IX.

CCLI.

Confirmatio Decreti Sac. Congregationis Rituum super electione B. M. V. Immaculatae in Patronam Principalem Regni Siciliae ultra Pharus.

CLEMENS PP. XII.

Ad futuram rei memoriam.

Communitates Siciliae S. Francisci de Paula

§. 1. Nuper sicut accepimus, dilecti Filii Communitates, Universitates, & Homines Regni Siciliae ultra Pharus pro ea, quam iidem erga S. Franciscum de Paula profrentur venera-

tionem in Generalibus Comitibus per Regni præfati, ut vocant, Deputatos, eodem S. Francisco in Patronum principalem dicti Regni electo, etiam a Congregatione Venerabilium Fratrum Nostrorum S. R. E. Cardinalium Sacris Ritibus propositorum electionis huiusmodi approbationem, addita insuper quoad suffragiorum secretorum defectum sanatione, obtinuerunt.

§. 2. Quoniam autem, dubium circa executionem Decreti approbationis a Congregatione præfata editi a dilectis quoque filiis Communitate, Universitate, & Homines Civitatis Panormitanae B. M. V. Immaculatae jamdiu Principalem Regni præfati Patronam haberi assensibus excitatum fuit, a Congregatione prædicta supplici libello porrecto pro nova Audientia, rescriptum fuit.

§. 3. Nos itaque qui pro Supremo Apostolici muneris Officio Sacrosanctam Catholicam Religionem Sacrumque Cultum promoveri, ut par est, atque in dies benedicente Domino, augere satagemus, prævia avocatione causæ ab eadem Congregatione, ne pia Christifidelium æmulatione causæ huiusmodi diutius protrahatur, Divinorum Officiorum ordinem fortasse inturbaret; ac re mature discussa, piis etiam Deputatorum præfatorum precibus per Epistolam ad Nos nuperime datam humiliter porrectis, quantum cum Domino possumus, favorabiliter annuere volentes, eorumque singulares Personas a quibusvis excommunicationis, suspensionis, & interdicti aliisque Ecclesiasticis sententiis, censuris, & poenis a Jure, vel ab homine, quavis occasione, vel causa latis, si quibus quomodolibet innodate existunt, ad effectum presentium dumtaxat consequendum, harum serie absolventes, & absolutas fore censentes, de nonnullorum Venerabilium Fratrum Nostrorum ejusdem S. R. E. Cardinalium Congregationis præfatae specialiter deputatorum Consilio, Beatam Mariam Virginem Immaculatam in Principalem Regni præfati Patronam, ut majora eidem semper a Christifidelibus impendantur obsequia, & religiosa populorum pietas præsentissimo ejusdem fructu patrocínio, quatenus opus sit, auctoritate Apostolica tenore presentium denuo confirmamus; necnon Clero Sæculari totius præfati Regni, ut quot annis Festum Sancti Francisci de Paula tanquam Patroni Principalis ejusdem Regni ex Præcepto Ecclesiæ recolant, atque illius Officium, ac Missam cum Octava recitent, & celebrent, auctoritate, & tenore præfatis injungimus.

§. 4. Non obstantibus præmissis, ac Constitutionibus, & Ordinationibus Apostolicis, & quatenus opus sit, dicti Regni, & aliis quibuslibet consuetudinibus, privilegiis, indultis, & literis Apostolicis in contrarium præmissorum quomodolibet concessis, confirmatis, aut innovatis. Quibus omnibus, & singulis pro hac tantum vice, & ad hunc dumtaxat effectum specialiter, & expresse derogamus, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die 18. Martii 1739. Pont. Nostri Anno Nono.

Pro D. Card. Passioneo.
Cajetanus Amatus.

Confirmatio Capituli Generalis Ordinis Cisterciensis Anno 1739. celebrati.

CLEMENS PP. XII.

Ad futuram rei memoriam.

§. 1. Præclara Cisterciensis Ordinis ab ipso Instituti sui exordio pro Catholica Religione semper sibi, ac potissimum Sanctis Ste-

phano,

Civitas Panormitana jamdiu B. M. V. Immaculatam habuit Patronam.

Decernit Pontifex B. M. V. Immaculatam fore Patronam principalem.

Festum Sancti Francisci de Paula tanquam Patroni principalis celebrandum.

Derogatio contrariarum.

Dat. die 18. Martii 1739. An. IX.

CCLII.

Habita tandem Ordinis Cisterciensis generalia comitia.

phano, & Bernardo in Terris agentibus parta merita, singulari Apostolicae Charitatis, & Pontificiae Benignitatis studio Nos complectentes, ingenti cum paterni animi nostri voluptate exceperamus, dilectos filios ejusdem Ordinis Superiores, & Abbates, aliosque anno proximo elapso, omnibus, quae hactenus obstituerunt, quominus generalia Ordinis praed. Comitia Cisterci Cabillonensis Dioecesis haberentur, per summam Omnipotentis Dei clementiam compositis, illic a die quinta Mensis Maii usque ad diem vigesimam ejusdem Mensis Anno praefati congregatos eadem generalia Comitia celebrasse. Sed majori letitia affecti sumus, cum acta ipsorum generalium Comitiorum, varia Decreta, Ordinationes, Deliberationes, Constitutiones, & Mandata pro bono ejusdem Ordinis, & Monasticae disciplinae regimine condita, & statuta insimul complectentia ad Nos, ut illis Apostolica Confirmationis robur adiceremus, transmissa, & a Congregatione Venerabilium Fratrum nostrorum S.R.E. Cardinalium negotiis, & consultationibus Episcoporum, & Regularium praeposita, ad quam examinanda remiseramus, expensa, & approbata Apostolico munimine corroborari posse audivimus.

Ejus Acta a Congregatione Ep. & Regul. confirmatione Ap. digna reputata.

Ea confirmat Pontifex reservata d. Congregationis auctoritate.

§. 2. Quamobrem dilecto filio Phiberto Quarre Abbate Uterinae Vallis, & praefati Ordinis Procuratore Generali nobis humiliter supplicante, ut illa, ut praemittitur, opportuna Confirmatione munire de benigne Apostolica dignaremur; Nos igitur dictum Philbertum specialibus favoribus, & gratis prosequi volentes, & a quibuscumque excommunicationis, suspensionis, & interdicti, aliisque Ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, de praefatorum Venerabilium Fratrum nostrorum S.R.E. Cardinalium negotiis, & consultationibus Episcoporum, & Regularium, qui Votum dilecti filii nostri S.R.E. praedictae Cardinalis de Via nuncupat. ad ejusmodi negotium examinandum deputati, attenderunt, consilio, praefata Decreta, Ordinationes, Deliberationes, Constitutiones, & Mandata cum omnibus inde secutis, & sequendis, dummodo tamen sint licita, & honesta, sacrisque Canonibus, & Concilii Tridentini Decretis, ac Constitutionibus Apostolicis non adversentur, apostolica auctoritate tenore praesentium confirmamus, & approbamus, illisque inviolabilis Apostolicae firmitatis robur adiciamus; Salva tamen semper in praemissis auctoritate Congregationis eorumdem Cardinalium.

Illaque, in iisque statutis perpetuo praecipit observari.

§. 3. Decernentes Decreta, Ordinationes, Deliberationes, Constitutiones & Mandata, ac praesentes litteras, firmas, validas, & efficaces existere, & fore, suosque plenarios & integros effectus sortiri, & obtinere, ac illis, ad quos spectat, & pro tempore quodcumque spectabit, plenissime suffragari, & ab eis respective inviolabiliter observari, sicut in praemissis per quoscumque Judices Ordinarios, & Delegatos, etiam Caesarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari. In contrarium facien. non obstan. quibuscumque.

Datum Romae apud S. Mariam Majorem sub annulo Piscatoris die 21. Martii 1739. Pont. nostri Anno Nono.

Dat. die 21. Martii 1739. An. IX.

Decretum de ordine servando in recursibus faciendis a Fratribus Ordinis S. Francisci Minorum Conventualium.

CLEMENS PP. XII.

Ad futuram rei memoriam.

EXinjuncto Nobis Apostolicae servitutis munere ad ea peculiare sollicitudinis nostrae curas libenter intendimus, quae felici Christianissimum Divini Numinis obsequiis sub suavi Religionis jugo mancipiorum regimini, atque tranquillitati conducibilia fore in Domino arbitramur.

§. 1. Exponi siquidem Nobis nuper fecerunt Dilecti filii Felix Angelus Sideri Vicarius Apostolicus, & Joannes Baptista Minucci Procurator Generalis Ordinis Fratrum Minorum Sancti Francisci Conventualium nuncupatorum, quod licet per Constitutiones Urbanas dicti Ordinis Cap. X. Tit. II. Num. VII. praescriptum reperitur, nempe. Sacrosancti propterea Concilii Tridentini vestigiis inherendo decernimus, & mandamus, ut (nisi ex aliqua ratione a jure permessa causa alias devolvatur) causae omnes, quae Guardiano competant in prima instantia ab eo, in secunda instantia a Ministris Provincialibus, vel eorumdem Commissariis, in tertia demum a Generali Ministro, vel ejus Commissariis cognoscantur, necnon generali Decreto dudum a Congregatione tunc existentium S. R. E. Cardinalium negotiis, & consultationibus Episcoporum, & Regularium praeposita jussu f. re. Sixti PP. V. Praedecessoris Nostri edito caveatur expresse, quod Regulares cujusvis Ordinis in casibus, in quibus appellare de jure licet, id facere debeant gradatim ad sui Ordinis Superiores, a Priore nimirum ad Provinciales, & a Provinciali ad Generalem, antequam Sedem Apostolicam adire possint; Nihilominus ipsi exponentes non sine eorum animi marore adverterunt, plures Religiosos ejusdem Ordinis, supradicti Ordinis Constitutionum, ac Decreti hujusmodi immemores, illave exoleta, & antiquata esse credentes, tum a praefata correctione Regulari Superiorum provocare, tum ubi appellatio permittitur, nusquam observata forma sic praescripta, ad Superiores mediatos, sive Praelatos majores Ordinis praefati, ac etiam hanc Sanctam Sedem appellare, & recurrere, unde Regularis disciplinae detrimentum immediatorum Superiorum, eorumque Jurisdictionis contemptus, ac non raro impunitas delinquentium, aliaque multiplicia incommoda consequuntur. Quamobrem ipsi exponentes, ut debita subditorum erga Praelatos obedientia, exactaque regularis observantia in dicto Ordine conserventur, & sicubi exciderint restituantur, opportunum gliscienti malo, & abusu ejusmodi remedium adhiberi, & alias in praemissis salubriter a Nobis provideri summopere desiderant.

§. 2. Nos ipsorum Exponentium votis hac in re, quantum cum Domino possumus, favorabiliter annuere volentes, & eorum singulares personas a quibuscumque excommunicationis, suspensionis, & interdicti, aliisque Ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, omnibus, & singulis dicti Ordinis Fratribus, & personis cujusvis dignitatis, gradus, & conditionis existant, appellationem a

CCLIII.

Exordium.

Quamvis statutum fuerit a Sixto V. ut a Regularibus habeatur prius recursus ad Superiores Ordinis.

Nonnulli tamen Ordinis Conventualium hujusmodi gradatam non servant.

Constitutiones Ordinis super hoc servari praecipit Clemens.